

## MIA PRESS CLIPPING

Datum: Srijeda, 31.03.2010.

Korisnik:

# Općinski sud Sarajevo

Dokument 1 od 1 ( 6 objava )

### Teme (ključne riječi):

**Goran Salihović**  
**Aziz Babić**  
**Općinski sud u Sarajevu**  
**Kanadski projekat JRP**  
**Ermin Sarajlija**  
**Visoko sudsko i tužiteljsko vijeće**

### Naslovi:

1. Finansijskom nezavisnošću do kvalitetnijeg pravosuđa (San)
2. Sudije napuštaju pravosuđe ! (Dnevni avaz)
3. Sudije traže naknade za odvojeni život (Nezavisne novine)
4. Bh. suci traže plaćanje toplog obroka, dežura, prijevoza .... (Večernji list)
5. UDRUŽENJE SUDIJA BiH INSISTIRA NA POBOLJŠANJU STATUSA SUDIJA U BiH ([www.fena.ba](http://www.fena.ba) )
6. ЛОШ МАТЕРИЈАЛНИ ПОЛОЖАЈ СУДИЈА ([www.srna.rs](http://www.srna.rs))

31.03.2010.	<b>San</b>		
<b>Strana, naslov:</b>	Str. 12, 13 – Finansijskom nezavisnošću do kvalitetnijeg pravosuđa		
<b>Autor</b>	I. trepalovac		
<b>Rubrika, mjesto</b>	Događaji dana		
<b>Površina</b>	27 cm x 18 cm	<b>Ocjena:</b>	0
<b>Ključna riječ</b>	VSTV, Goran Salihović		

\*Ocjena: P – Pozitivna, 0 – Neutralna i N – Negativna

Novo rukovodstvo Udruženja sudija BiH predstavilo svoje prioritetne ciljeve

# Finansijskom nezavisnošću do kvalitetnijeg pravosuđa

Ne moramo tražiti povećanje plata, ali ćemo tražiti ono što svi imaju, jer jedino su sudije diskriminirane u pogledu toplog obroka, prevoza, dežure, odvojenog života, kaže Goran Salihović

Poboljšanje materijalno-tehničke opremljenosti pravosudnih institucija kao i društvenog statusa i položaja sudija, uključujući plate i druge prinadležnosti, prioritetan je programski cilj novog rukovodstva Udruženja sudija BiH.

Rekao je to jučer Milan Tegeltija, predsjednik Udruženja, ustvrdivši da je današnji položaj sudija jako loš i da nisu više ni na koji način privilegovana kategorija stanovništva.

## Društvena satisfakcija

- Sudije rade jako težak i odgovoran posao, obavljaju veoma složene zadatke i odlučuju o sudbinama drugih ljudi te stoga očekuju da za svoj posao imaju normalnu satisfakciju izraženu kroz opšte društveno priznanje.

Većina sudija radi 170 posto njihove norme, što znači da 70 posto rade više od onog za što su plaćeni. To više nije privlačno ni atraktivno zanimanje i upravo je zbog loših materijalno-finansijskih uslova



Tegeltija i Salihović: Materijalna baza prioritet nad prioritetima

(Fotograf: S. Sultanović)

prisutan trend snažnog odliva kadrova iz pravosuđa. Naime, 80 posto sudija prima platu koja iznosi 2.400 KM - istakao je Tegeltija i upozorio da će biti ugrožena reforma pravosuđa ako država ne preuzme adekvatne mjere i zaustavi odliv kadrova.

Goran Salihović, potpredsjednik Udruženja, pak, potvrdio je da su

sudije svesne da je ekonomska kriza i da neće tražiti povećanje plata, ali da traže izjednačavanje sa ostalim budžetskim korisnicima.

## Radna diskriminacija

- Ne moramo u ovom momentu tražiti povećanje plata ali ćemo tražiti ono što svi bh. građani imaju. Jedino su sudije diskriminirane u

### **Fizički napadi**

Tegeltija i Salihović upozoravaju da su sudije u BiH sve češće meta različitih napada - neargumentiranih verbalnih, ali i nasrtaja na njihov fizički integritet.

Stoga će Udruženje sudija BiH pokrenuti procedure na izmjeni zakonskog okvira kako bi se sudijama u BiH zagarantovao viši nivo sigurnosti po uzoru na rješenja koja su na snazi u naprednim demokratskim zemljama i da se napad na sudiju kategoriše kao posebno krivično djelo.


pogledu toplog obroka, prevoza, dežure, odvojenog života. To više nećemo dozvoliti i tražit ćemo da se ta prava priznaju i sudijama - naglasio je Salihović.

On je najavio poboljšanje saradnje sa izvršnom i zakonodavnom vlašću, Visokim sudskim i tužilačkim vijećem BiH, kolegama u pravosuđu, OHR-om..., a sve s ciljem poboljšanja statusa sudija.

- Sudije politika ne interesuje. Oni provode zakone naše zemlje i nisu krivi ako zakoni ne valjaju. Neophodno je očuvati nezavisnost sudske u odnosu na izvršnu i zakonodavnu vlast, a to se može postići finasijskom nezavisnošću, odnosno donošenjem zakona o sudskom budžetu - zaključio je Salihović.

**I. Trepalovac**



31.03.2010.	<b>Dnevni avaz</b>		
<b>Strana, naslov:</b>	Str. 4 – Sudije napuštaju pravosuđe !		
<b>Autor</b>	F. Vele		
<b>Rubrika, mjesto</b>	Aktuelno		
<b>Površina</b>	17 cm x 25, 5 cm	<b>Ocjena:</b>	0
<b>Ključna riječ</b>	Općinski sud u Sarajevu, VSTV, Goran Salihović		

\*Ocjena: P – Pozitivna, 0 – Neutralna i N – Negativna

# Sudije napuštaju pravosuđe!

U 2003. plaća sudija bila 2.400, a poslanika 500 KM, a sada poslanik ima 7.500, a sudija 2.400 KM! • Imat ćemo recesiju pravne države, upozorava Tegeltija

Predsjednik Udruženja sudija BiH Milan Tegeltija upozorio je jučer u Sarajevu da bh. sudije nisu zadovoljne svojim statusom i da je situacija sasvim alarmantna. Upozorio je da može doći u pitanje kompletna reforma pravosuđa!

Tegeltija je na konferenciji za novinare u Općinskom sudu u Sarajevu izjavio da su sudije „posve nezadovoljne i da odlaze iz pravosuđa zbog lošeg materijalnog i finansijskog statusa“.

## Odliv kadrova

- Ako se ovo nastavi, ako se ništa ne učini na popravljanju sudijskog standarda, mi ćemo pored recesije u finansijskom smislu imati i recesiju pravne države, jer neće imati ko da nam provodi zakon. Ako se ovakav odliv sudija nastavi, ako se ne shvati da imamo problem, bojim se da će i sama reforma pravosuđa doći u



S jučerašnje pres-konferencije: Reforma pravosuđa dovedena u pitanje

(Foto: J. Brulcas)

pitanje - kazao je Tegeltija.

Prema njegovim riječima, sudije rade 70 posto više nego što su plaćene, iako žive pod stalnim pritiscima. Većina njih ima plaću 2.400 KM. To je, kaže,

plaća koju dobar pravnik može zaraditi u svakoj banci, dobrom preduzeću i svim institucijama, što nikoga ne stimulira da se bavi teškim sudijskim poslom.

Tegeltija tvrdi da su sudije nerijetko „žrtvena janjad određenih neriješenih odnosa i sukoba u ovom društvu“.

- Po njima svako ima pravo da pljuje, a oni nemaju mogućnosti da odgovaraju na prozivke - rekao je Tegeltija.

## Stimuliranje ljudi

Potpredsjednik Udruženja Goran Salihović kazao je da je položaj sudija doživio najnižu tačku.

- Naš cilj je da se položaj sudija popravi. Ne moramo tražiti povećanje plata, ali ćemo insistirati da dobijemo ono što imaju svi u BiH, a jedino sudije nemaju. To su topli obrok, naknade za prijevoz, dežure, odvojeni

život... Moramo stimulirati ljude. Gledajte, u 2003. godini plaća sudija je bila 2.400 KM, a jednog poslanika 500 KM. Sada taj poslanik ima 7.500, a sudija 2.400 KM!? Nešto nije dobro u toj raspodjeli - istakao je Salihović.

Nadalje, najavio je da će sudije tražiti popravljanje svog statusa najprije od Viskog sudskog i tužilačkog vijeća (VSTV), Parlamenta BiH, pa i OHR-a.

- Osim toga, počeli su napadi na sudije i tužioce. Nedavno smo imali upad u stan glavnog tužioca... Imali smo i napade na sudije u Sirskom Brijegu, Bihaću i Sarajevu. Mi sve to shvatamo kao neko upozorenje. Sudije su ugrožene! Mi moramo jačati pravnu državu. A kako? Materijalnim osiguranjem sudijskog kadra - kaže Salihović. **F. VELE**


## Napadi na sudije moraju biti rigorozno kažnjeni

Tegeltija je upozorio da bh. sudije nemaju nikakvu fizičku zaštitu i da pitanje njihove sigurnosti nije sistemski riješeno. Ipak, potvrdio je da nekoliko sudija ima 24-satnu policijsku zaštitu. Ne smije se, kaže, dopustiti da se nešto strašno desi pa da onda društvo reagira.


- Svaka šuša može doći u sud ili na ulici sudiji udariti pljesku. Toliko je sudija zaštićen. Svaka zemlja koja

drži do sebe poštuje i uvažava svoje sudije. Jer, oni su garancija pravne države. Niko drugi. Oni su tu da se brinu da se zakon provodi. Ne kažemo da i u ovom žiru nema kukolja, ali ne može se generalno reći da su sudije loše i korumpirane. Sistemski problem nije riješen. Napadi na sudije moraju biti rigorozno kažnjeni, a taj napad mora biti tretiran kao bosebno krivično djelo - naveo je Tegeltija.



31.03.2010.	<b>Nezavisne novine</b>		
<b>Strana, naslov:</b>	Str. 8, 9 - Sudije traže naknade za odvojeni život		
<b>Autor</b>	M. Rener		
<b>Rubrika, mjesto</b>	Događaji		
<b>Površina</b>	33 cm x 7 cm	<b>Ocjena:</b>	0
<b>Ključna riječ</b>	VSTV, Goran Salihović		

\*Ocjena: P – Pozitivna, 0 – Neutralna i N – Negativna



Udruženje sudija BiH upozorilo da loš materijalni položaj dovodi do odliva kadrova

# Sudije traže naknade za odvojeni život

M. RENER

SARAJEVO - Materijalni položaj sudija je loš i to mora biti promijenjeno jer je zabilježen trend snažnog odliva sudija, što može dovesti u pitanje reformu pravosuđa, istakli su juče novoizabrani rukovodioci Udruženja sudija BiH.

Predsjednik ovog udruženja Milan Tegeltija rekao je juče u Sarajevu da sudije rade 170 od-

sto od norme, dakle 70 odsto više nego što su plaćene.

"Oko 80 odsto sudija ima platu 2.400 KM. To se može zaraditi u nekoj banci, jačem preduzeću. Ako sada ne može biti povećana plata, može biti sudijama obezbijedeno da imaju topli obrok, naknadu za prevoz, za dežurstvo i odvojeni život", istakao je Tegeltija.

Naglasio je da je jedini cilj Udruženja poboljšati položaj su-

**NEZAŠTIĆENI Fizička zaštita sudija nije sistemski riješena pa "svaka šuš" može napasti sudiju, rekao Tegeltija**

dija, te da će stoga tražiti razgovore s predstavnicima Viskog sudskog i tužilačkog vijeća, izvršne i zakonodavne vlasti, OHR-a, ministarstva pravde. Tegeltija je upozorio i da fizička zaštita sudija nije sistemski riješena, tako da "svaka šuš" može napasti sudiju. Smatra da napadi na sudije moraju ući u Krivični zakon kao posebna kategorija.

Goran Salihović, potpredsjednik Udruženja sudija BiH,


## Odvojeni život

podsetio je na upade u stanove sudija i tužilaca i podmetanje bombi, te je ocijenio da je to neka vrsta upozorenja.

"Ako hoćemo pravnu državu, moramo je ojačati, a to možemo obezbjedjenjem sudijskog kadra i materijalnih sredstava. Plata sudija bila je 2.400 KM 2005. godine kada su poslanici imali 500 KM, a sad poslanici imaju 7.500 KM, a sudije i dalje 2.400 KM", kazao je Salihović,

istakavši da je neophodno neovisno finansiranje pravosuđa, jer ograničenje materijalnih sredstava znači ograničenje rada sudija.

"Najbolji način je donošenje zakona o sudskom budžetu. Za 15 dana u Općinskom sudu u Sarajevu je naplaćeno više od 600.000 KM takse. Sudovi mogu finansirati sami sebe, ali ih ne treba gledati kao fabriku para!", napomenuo je Salihović.

31.03.2010.	<b>Večernji list</b>		
<b>Strana, naslov:</b>	Str. 14 – Bh. suci traže plaćanje toplog obroka, dežura, prijevoza ....		
<b>Autor</b>	n/a		
<b>Rubrika, mjesto</b>	Aktualno		
<b>Površina</b>	8 cm x 9 cm	<b>Ocjena:</b>	0
<b>Ključna riječ</b>	VSTV, Goran Salihović		

\*Ocjena: P – Pozitivna, 0 – Neutralna i N – Negativna

**Udruženje sudaca BiH**

### Bh. suci traže plaćanja toplog obroka, dežura, prijevoza...

Udruženje sudaca BiH upozorilo je jučer da bi neodgovarajući status nositelja pravosudnih dužnosti mogao ugroziti dosadašnje pozitivne trendove u sklopu pravosudne reforme u BiH. Novoizabrani predsjednik USBiH Milan Tegeltija istaknuo je da je neodgovarajući položaj i status sudaca u društvu već doveo do odljeva kadrova, te da bi to, nastavi li se takav trend, moglo ugroziti temeljne ciljeve reforme pravosuđa u BiH. Prema njegovim riječima, poboljšanje društvenog statusa sudaca u pogledu jačanja materijalno-tehničke podrške, uključujući plaće i druge privilegije bit će prioritet novoizabranog rukovodstva USBiH. Potpredsjednik USBiH Goran Salihović izjavio je da se mora sačuvati neovisnost sudbene u odnosu na drugu vlast, te da je funkcioniranje sudova i sudaca u funkciji 'vladavine zakona'. Naveo je da, cijeneći ekonomske prilike u zemlji, suci u ovom trenutku neće inzistirati na povećanju plaća, ali da će tražiti uvođenje naknada za "topli obrok, dežure, prijevoz i odvojeni život".

## INTERNET PORTALI

30.03.2010.	<a href="http://www.fena.ba">http://www.fena.ba</a>		
<b>Prilog:</b>	UDRUŽENJE SUDIJA BiH INSISTIRA NA POBOLJŠANJU STATUSA SUDIJA U BiH		
<b>Autor</b>	(Fena)zl		
<b>Rubrika</b>	-		
<b>Trajanje</b>	-	-	<b>Ocjena:</b> 0
<b>Ključna riječ</b>	Goran Salihović		

\*Ocjena: **P** – Pozitivna, **0** – Neutralna i **N** - Negativna

### UDRUŽENJE SUDIJA BiH INSISTIRA NA POBOLJŠANJU STATUSA SUDIJA U BiH

SARAJEVO, 30. marta (FENA) - Udruženje sudija BiH (USBiH) upozorilo je danas da bi neadekvatan status nositelja pravosudnih funkcija mogao ugroziti dosadašnje pozitivne trendove u sklopu pravosudne reforme u BiH.

Novoizabrani predsjednik USBiH Milan Tegeltija istaknuo je na pres-konferenciji u Sarajevu da je neodgovarajući

položaj i status sudija u društvu već doveo do odliva kadrova, te da bi to, nastavi li se takav trend, moglo ugroziti temeljne ciljeve reforme pravosuđa u BiH.

Po njegovim riječima, poboljšanje društvenog statusa sudija u pogledu jačanja materijalno-tehničke podrške, uključujući plaće i druge prinadležnosti, bit će u vrhu prioriteta i programskih ciljeva novoizabranog rukovodstva USBiH.

Potpredsjednik USBiH Goran Salihović izjavio je da se mora sačuvati neovisnost sudske u odnosu na izvršnu i zakonodavnu vlast, te da je efikasno funkcioniranje sudova i odgovoran rad sudija u funkciji 'vladavine zakona' odnosno jačanja pravne države.

Naveo je da, cijeneći ekonomske prilike u zemlji, sudije u ovom trenutku neće insistirati na povećanju plaća, ali da će tražiti uvođenje naknada za "topli obrok, dežure, prijevoz i odvojeni život", odnosno ravnopravnost s ostalim budžetskim korisnicima.

Čelnici USBiH napominju da će insistirati na razgovorima s predstavnicima Visokog sudskog i tužiteljskog vijeća BiH, nadležnim institucijama izvršne i sudske vlasti u BiH, kao i OHR-om, a sve s ciljem prevazilaženja stanja u kojem sudije nemaju odgovarajući tretman u okviru šire društvene zajednice.

Konstatirali su također da su sudije u BiH sve češće meta različitih napada - neargumentiranih verbalnih, ali i nasrtaja na njihov fizički integritet.

USBiH će u tom kontekstu pokrenuti procedure na izmjeni zakonskog okvira kako bi se sudijama u BiH zajamčio viši nivo sigurnosti po uzoru na rješenja koja su na snazi u naprednim demokratskim zemljama.

USBiH, koji broji oko 600 članova - sudija iz cijele BiH, istovremeno insistira na striktnoj primjeni i provođenju zakona naše zemlje, bez upuštanja u bilo kakve političke kontroverze.

(Fena)zl

30.03.2010.	<a href="http://www.srna.rs">http://www.srna.rs</a>		
<b>Prilog:</b>	ЛОШ МАТЕРИЈАЛНИ ПОЛОЖАЈ СУДИЈА		
<b>Autor:</b>	-		
<b>Rubrika:</b>	-		
<b>Trajanje:</b>	-	-	<b>Оцјена:</b> 0
<b>Кључна ријеч:</b>	Goran Salihović		

\*Оцјена: **P** – Позитивна, **0** – Neutralna i **N** - Negativna

### ЛОШ МАТЕРИЈАЛНИ ПОЛОЖАЈ СУДИЈА

САРАЈЕВО, 30. МАРТА /СРНА/ - У БиХ мора бити промијењен лош материјални положај судија, јер је забиљежен тренд снажног одлива овог кадра, што може довести у питање реформу правосуђа, истакли су новоизабрани руководиоци Удружења судија БиХ.

Предсједник Удружења Милан Тегелтија рекао је у Сарајеву да судије раде 170 одсто од нормe, дакле 70 одсто више него што су плаћене, те да око 80 одсто судија има плату 2.400 КМ, што се може зарадити у банци или јачем предузећу, пишу сутрашње "Независне новине". "Ако сада не може бити повећана плата, може бити судијама обезбијеђено да имају топли оброк, накнаду за превоз, за дежурство и одвојени живот", истакао је Тегелтија и навео да је једини циљ Удружења судија БиХ да се побољша њихов положај.

Он је упозорио и да физичка заштита судија није системски ријешена, те да напади на њих морају ући у Кривични закон као посебна категорија.

Потпредсједник Удружења судија БиХ Горан Салиховић рекао је да је плата судија била 2.400 КМ 2005. године када су посланици имали 500 КМ, док сада посланици имају 7.500 КМ, а судије су остале на истом нивоу.

Он је додао да је неопходно независно финансирање правосуђа, јер ограничење материјалних средстава значи ограничење рада судија, те сматра да је потребно донијети закон о судском буџету.